

№ 54. димерского, названое Федоровецъ, въ которомъ людей осѣлыхъ пять, а пустошинъ три; на штожъ владыка листъ свой подъ печатью и съ подписью руки своею ему далъ и передъ нами его вказывалъ, просячи насъ, абыхмо зъ ласки нашею королевскою, тое село ему на вѣчность подтвердили. Ино, хотяжъ владыка не мѣлъ и не маеть моцы, кромъ воли и вѣдомости нашею, никому имѣній костельныхъ по-даванья нашего на вѣчность роздавати: а мы зъ ласки нашею королевскою, на чолом-бигь того Тимоея то вчинили, на тую прозбу его ласкаво есмо позволили и позволяемъ, и тое село Федоровецъ ему подтверждаемъ и вѣчными часы умоцняемъ. Маеть онъ самъ, и его жона, и дѣти и потомки ихъ, водлѣ листу владычина на то ему даного, оное село Федоровецъ, со всеми людьми тамъ осѣлыми, и съ пустощинами и со всеми кгрунтами пашными и непашными, проробками и зарослями и сѣножатями, и съ платы и доходы и со всемъ, яко ся тое село Федоровецъ само въ собѣ, въ широкости кгрунтовъ, въ пожиткахъ, границахъ и обыходѣхъ своихъ здавна и нынѣ маеть, держати и уживати вѣчно и на вѣки непорушно, будучи воленъ тамъ собѣ дворецъ збудовати и людьми осадити, прибавити и роз-

ширити, и всякіе пожитки якіе сзми похочутъ причинити и примножити; а съ тогожъ теперешнему владыцѣ и по немъ будучимъ владыкамъ Володимерскимъ, ничимъ инымъ, одною службою боярскою шляхетскою, конемъ служити, а иныхъ некоторыхъ службъ владыкамъ служити, и жадныхъ работъ робити, и платовъ платити и давати не маеть; также владыкове Володимерскіе у него и въ его потомковъ оного селца Федоровца, яко его влестного, вѣчистого, некоторыми причинами вжо отнимати и собѣ его привлашати не могутъ и не мають вѣчнѣ. И на то дали есмо ему сесь нашъ листъ зъ нашою печатью. Писанъ въ Варшавѣ, на соймѣ вальномъ коронномъ; . . . (\*) дня, року отъ нароженья Сына Божьего 1572, а панованья нашего сорокъ третьего. — «Реляцыя вельможного Валентія Дебнинского.»

*Изъ Коронной Русской Метрики (Записки СССV, л. 137). хранящейся при Правительствующемъ Сенатѣ, въ С. Петербургѣ. Въ заглавіи грамоты отмѣчено: Потверженье Тимоею Васильевичу, боярину владычества Володимерского, на село названое Федоровецъ, ему отъ владыки Володимерского и Берестейского Феодосея даное.*

(\*) Въ подл. здѣсь пробѣлъ.

## VIII. МЕЖДУЦАРСТВІЕ.

55. — 1572 послѣ Іюля. Грамота Московскаго царя Іоанна Васильевича Литовскимъ раднымъ панамъ, въ отвѣтъ на предложеніе ихъ Литовско-Польскаго престола сыну его, царевичу Феодору.

Милосердія ради милости Бога нашего, въ нихъ же посѣти насъ Востокъ свыше, во еже направити ноги наша на путь миренъ, и со смиреніемъ, благочестивнѣ, его милосердіемъ, осмотрѣніе сотворити къ покою хрестыянскому. Сего убо Бога нашего въ Троицѣ славимаго милостию, мы великій государь, царь и великій князь Иванъ Васильевичъ всея Русіи и самодержецъ, Владимерскій, Московскій, Новгородскій, царь Казанскій, царь Астороханскій, государь Псковскій, и великій князь Смоленскій, Тѣрскій, Югорскій, Пермскій, Вятцкій, Болгарскій и иныхъ, государь и великій князь Новгорода Низовскіе земли, Черниговскій, Резанскій, Полоцкій, Ростовскій, Ярославскій, Бѣлоозерскій, Удорскій, Обдорскій, Кондинскій и всея Сибирскіе земли и Сѣверные страны повелитель, и государь отчинный земли Лифлянтскіе и иныхъ, нашего государского повелѣнія слово великаго княжества Литовскаго паномъ радъ: Миколаю Пацу, бискупу Кіевскому; Миколаю Радивилу, княжѣ на Дубинкахъ и Биржахъ, воеводѣ Виленскому, канцлѣру великаго княжества Литовскаго; старостѣ Лидскому и Мозырскому, державцу Борисовскому; Стефану Одрѣ-

вичу Збаражскому, воеводѣ Троцкому; Яну № 55. Яронимовичу Ходкевичу, кграбѣ на Шкловѣ и Мыши, старостѣ Жемойцкому, моршалку земскому великаго княжества Литовскаго, старостѣ Ковенскому, державцу Плотелскому и Телшовскому; Юрью Юрьевичу Остику, воеводѣ Мстиславскому, старостѣ Бряславскому; Яну Петровичу Кишкѣ, крайчому великаго княжества Литовскаго. Что есте присылали до насъ гонца своего Стефана Матвѣева съ грамотою, и въ той грамотѣ своей къ намъ писали есте: вѣдомо уже нашей милости есть, что великаго государя Жигимонта Августа, короля и великаго князя, брата нашего, а вашего государя въ животѣ не стало, Богъ душу его милости съ сего свѣта взялъ; а вы, рада, и такожъ княжата и панята и все рыцерство того славнаго панства великаго княжества Литовскаго, яко люди вольные, по отходѣ его королевской милости съ сего свѣта, намовляючи и обмышляючи, кого бы вы собѣ за государя и великаго князя на тое славное панство великое княжество Литовское взяти мѣли, яко сами съ иными паны радами того панства есте до того охотливы, такъ и вси станы и рыцерство того панства такожъ суть прихилны, и вѣрно вси зычите, чтобы потомство нашея милости великаго и хрестыянскаго государя надъ вами пановало; якожъ за певнымъ постановленіемъ, сына нашего молодшего его милость царевича князя Феодора хо-

№ 56. тѣли бы есте собѣ за государя и великого князя на тое панство великое княжество Литовское взяти. И братья вашей панѣ радямъ коруны Польскіе радити и до того ихъ приводити хочете жъ, чтобы ихъ милость на королевство Польское сына нашего собѣ за пана и короля взяли. А такъ, естли жъ наша воля будетъ на такую хвалебную рѣчь (которая несеть великую и несмертельную славу намъ самому и роду нашей милости) позволить, и сына нашего молодшого царевича князя Феодора теперъ заразомъ вамъ обрати на великое княжество Литовское дати; а его милость естли жъ вси ваши свободы, права и вольности вамъ утвердити и иныхъ еще придати всочетъ: и мы бы вамъ, и съ сыномъ нашимъ старшимъ съ его милостию царевичемъ княземъ Иваномъ, и съ его милостию со царевичемъ княземъ Феодоромъ, свободы, права и вольности ваши поприсягнули и крестнымъ цѣловаемъ утвердили, и надъ то миръ вѣчный съ вами постановили. . . . (окончанія не достаеъ).

*Подлинникъ писанъ современною скорописью. Бывъ сложенъ и запечатанъ, импѣтъ на пакетъ адресъ, съ означеніемъ именъ Литовскихъ сенаторовъ, въ томъ же порядкѣ, какъ и въ началъ грамоты. Остальная половина акта оторвана, по этому при немъ и датумъ нѣтъ.*

*Доставленъ въ Археографическую Коммиссію, въ списокъ, Варшавскимъ корреспондентомъ, профессоромъ Мацьевскимъ, изъ архива гг. Сенявскихъ, находящагося въ Галиціи, въ округѣ Перемишльскомъ.*

56. — 1572 Сентября 27. Листъ Литовскихъ радныхъ пановъ къ Московскому царю Іоанну Васильевичу, объ отправленіи къ нему посла Михаила Гарабурду для переговоровъ о избраніи царевича Феодора на Литовско-Польскій престолъ, съ просьбою продолжить перемиріе.

Великому государю Ивану Васильевичу, Божьею милостью государю всея Руси и великому князю Владимирьскому, Московскому и пр. Яко есмо перво сего писали до вашей милости, даючи вѣдати, якою жалостью зъ смерти господаря нашего, короля Польского и великого князя Литовского, славнои памяти Жикгимонта Августа, панъ Богъ насъ навѣдилъ, . . . и жъ мы по смерти господаря нашего, оставши у вольной рѣчи посполитой нашей, и хотячи всего доброго въ хрестьянствѣ дождати и рады зычити, хочемъ панованья на тыхъ господарскихъ народѣхъ вашей милости. Про то и теперъ послали есмо до вашей милости вранника присяглого. . . . писаря великого князства Литовского, державцу Свислоцкого, пана Михаила Гарабурду, доведываючися воли вашей милости: будетъ ли воля вашей милости съ коруною Польскою и съ великимъ князствомъ Литовскимъ зъ господарствы вашей милости мирного . . . хотѣти, а сынови вашей милости князю . . . ру приступъ къ милости и склонности . . . народовъ нашихъ зычити. Зачимъ быхмо зѣхавшиися на елецкую, съ братьею нашею съ паны Польскими о томъ намовляли, и зъ вольного обранья, голосы наши на сына вашей милости подавали, за постановеньемъ и за увененьемъ черезъ вашу милость яко о границахъ, такъ и о земляхъ забраныхъ; для чого вси артыкулы, которыхъ упередити елецкою потреба. . . , списаные оказати, и о томъ . . . мовити, пану Гарабурдѣ есмо . . . А будетъ ли на то воля Божья и вашей милости, рачъ намъ волю свою ознаямити, и перемирье далѣй помкнути, и то листомъ своимъ намъ черезъ того нашего посланника упевнити, за чимъ быхмо не къ войнѣ, але ко всему доброму вашей милости и народу вашей милости мысли наши склоняли, и братья нашей панѣ Польскимъ ласкавое панованье вашей милости выславили, и сполнѣ вси и одностайнѣ вашей милости такъ великой и несмертельной славы зычили. Писанъ

въ Рудникахъ, року 1572, мѣсяца Сентября 27 дня.

*Современный списокъ писанъ на трехъ страницахъ листа, скорописью. Скрепленъ и подписей нѣтъ. Въ заглавіи акта отмѣчено: Минута на листѣ до великого князя Московского, зъ Рудниковъ, черезъ пана Гарабурду писаря, гдѣ жъ не съ тымъ маеть вхати, который до князя Слуцкого посланъ. Ветхъ.*

*Изъ коллекціи актовъ, приобретенныхъ для Археографической Коммиссіи въ Швеціи корреспондентомъ г. Соловьевымъ.*

57. — 1572 Декабря 12. Вводная грамота Кіевскаго воеводы князя Константина Острожскаго Золотоверхо-Михайловскому монастырю, на владѣніе землю Ориинскую и Дѣвичь-гору, по розвѣзжей записи.

Костентинъ княжа Острожское, воевода Кіевскій, маршалокъ земли Волынскои, староста Володимерскій. Били намъ чоломъ игумень и вси еже о Христвѣ братья монастыря святого Михаила Золотоверхой церкви, и жаловали намъ на землянина Кіевскаго Максима Панковича, о томъ, и жъ дей онъ землю властную церковную того монастыря, прозываемую Ориинскую и Дѣвичь-гору, не вѣдати за которымъ правомъ, отъ монастыря упорнѣ и квалтовнѣ отнялъ и ее уживаетъ; которая дей земля здавна принадлежитъ, отъ ста лѣтъ и большей, къ тому монастырю святого Михаила Золотоверхой церкви; и, принявши зъ собою тотъ игумень и чернци зъ Максимомъ

Панковичомъ рокъ на тую землю выѣхати. № 57. просили насъ, абы есмо кого зъ рамени нашего на тотъ розвѣздъ выслали. И мы зъ рамени нашего выслали есмо на тотъ кгрунтъ, къ розвѣзду и догляданью справедливости, намѣстника нашего Кіевскаго пана Василья Рая, и служебниковъ нашихъ, Яна Викгуру, Сидора Яковицкого, Семена Макиша, которые тамъ на томъ розвѣздѣ булучи, во всемъ слушнѣ и пристойнѣ водлѣ права поступовали, и оную землю Ориинскую и Дѣвичь-гору къ монастырю святого Михаила Золотоверхой церкви привернули, и листомъ своимъ розвѣзднымъ достаточнѣ границы описали: который розвѣздъ и листъ тыхъ слугъ нашихъ бачачи быти слушнѣй, и симъ листомъ нашимъ потвержаемъ игумену и чернцомъ того монастыря святого Михаила Золотоверхого, подъ печатью и съ подписомъ руки нашею данымъ. Писанъ въ Кіевѣ, мѣсяца Декабря 12 дни, року 1572.

*Подлинникъ писанъ современною скорописью, безъ строчныхъ знаковъ. Вишу акта воеводская подпись, крючковатымъ и неразборчивымъ почеркомъ, и гербовая печать на красновосковой массѣ. На оборотѣ отмѣчено: вписано до книгъ кгородскихъ Кіевскихъ. Другая, позднѣйшая отмѣтка по Польски: An. Domini 1633, m. Decembra 15 dnia, wielebni w Bogu oycowie, Pafnoty Olszanski y Jlia . . . , zakonnicy s. Michała Złotowierczego Kijowskiego, do xiąg per oblatam podali. Suscepi Sta. Wi. Ho. i nam. Kijow. Ветхъ.*

*Изъ архива Кіевской Казенной Палаты.*